



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. III. De Vana Observatione.

urn:nbn:de:hbz:466:1-40673

quilibet istorum immature, & infelicitate periret: Nec solum falluntur Astrologi in divinandis operationibus liberis, sed saepissime etiam in divinandis inclinationibus naturalibus; Nam Esau, & Jacob gemelli fuerunt, & penes simul nati sunt, diversissimas tamen inclinationes naturales habuerunt.

IX. Notandum etiam ex Physionomia naturali, seu ex partium corporis dispositione, velle aliquam conjecturam accipere de inclinationibus animi licitum esse; Verbi gratia, ex lineis manuum conjicere ingenium, indolem, inclinationem ad luxuriam, ad maturitatem, &c.; at hinc praedicere futuros eventus liberos, verbi gratia, hominem futurum divitem, pauperem, in patibulo suspendendum, Episcopum, &c., est omnino illicitum. Quare graviter peccat, qui ab Aegyptiis petit bonam, vel sinistram fortunam; cum id naturaliter sciri non possit; si tamen id fiat curiositatis, & risus causa, & sine scandalo, non animo credendi, ut communiter fit, non nisi veniale peccatum erit.

ARTICULUS III.

De Vana Observatione.

I. In hoc differt Vana observatio a Divinatione, quod illa ordinetur ad aliquid obtainendum; hac vero ad aliquid cognoscendum.

II. Sepe Vana observantia habetur solum cum racita demonis invocatione, quamvis fiat protestatio, quod demonis concursus in ea re recuseatur.

III. Ea dividitur in Artes notoriam, in Observationem sanitatum, & Observationem eveniūm. In quo hac differat a Divinatione?

IV. Plura recensentur, qua non raro ponuntur, & tamen sunt superstitionis.

V. Quoniam pacto possit quis aliquando

in his vanis observationibus a mali tali excusari?

VI. Quoniam observationes non sunt vanae, nec superstitionis, sed licite?

VII. Quid de unguento armario?

VIII. Unde dignosci possit, quod aliqua observatio non sit superstitionis?

IX. Quid si dubitetur num effectus aliquis sit superstitionis, an naturalis? Aut si dubitetur num effectus praeternaturalis sit a Deo, an a demone?

I. **V**ana observatio est pariter species superstitionis, sed differt a divinatione, quia haec referatur ad aliquid cognoscendum; illa vero ad aliquid obtainendum mediis utilibus, & vanis. Quare Vana observantia est superstitionis, qua mediis vanis procurantur commoditates, divitiae, sanitas, benevolentia, & alia huiusmodi. Dicitur etiam Vana observatio, quando ex consideratione alicuius effectus casualis conjicit quis aliquid prospere, vel adversi eventurum, & inde actiones suas moderatur, ut notat D. Th. quest. 96. art. 1. Appellatur talis superstitionis Vana observatio, vel quia effectum non consequitur; vel si consequitur, illum habet a demone, & sic plus incommodi habet, quam commodi.

II. Universim autem Vana observatio fit, vel cum expressa dæmonis invocatione, vel etiam cum tacita; ut si quis dicat aliqua verba tanquam habentia vim ad aliquem effectum, verbi gratia, ad movendum annulum, ut quota hora dici sit, cognoscatur, &c. Dicitur id fieri cum pacto dæmonis tacito, quia verba illa sine opere dæmonis talem effectum parere non possunt: Idque verum est, etiam si hoc fiat præmissa protestatione, quod nolis ad talem effectum dæmonem concurrere; Cum enim constet hoc esse superstitionis, protestatio dicitur esse con-

contraria facta, ut notant Bonac., Valent., Sylvest. Similis superstitione exercetur a lusoribus, quando mutant locum ad vitandam malam fortunam; Sanch. tamen excusat istos a mortali, eo quod non videatur peccatum perfectum superstitionis, cum lusores non certo credant se mutaturos malam fortunam.

III. Quæritur primo; Quot sint species vanæ Observantiae?

Respondeo esse tres. Prima est ars notoria. Secunda, observatio sanitatum. Tertia, observatio eventuum. Dicitur Ars notoria superstitione illa, qua quis credit se statim consecutum scientiam per potionem, vel per bolum aliquem, vel mediis quibusdam jejuniis; hæc enim dicuntur media vanæ, & inutilia; quia neque a Deo, neque a natura habent parere talem effectum. Dicitur observatio sanitatum superstitione illa, qua adhibentur varia media ad curandos morbos hominis, vel animalium, ut gestare amuleta, ligaturas, involucra falsis characteribus signata ad vitanda vulnera, vel ne sanguis effluat, aut gestare imagines talibus characteribus signatas, certa cum fiducia non moriendi sine confessione; sunt enim hæc media vanæ ad hos effectus, ac vim non habent. Demum observatio eventuum est superstitione, qua ex consideratione alicujus eventus casuallis fit conjectura de eo, quod futurum est, & inde operationes diriguntur; Differt hæc a divinatione, quia per divinationem queruntur media inutilia ad divinandum; per observationem vero eventuum signa vanæ diriguntur ad operationes, quibus possimus aliquid mali vitare, vel boni obtinere.

IV. Quæritur secundo; Quænam observations censeantur communiter a Doctoribus vanæ, & superstitione?

Respondeo, præter istas, quas invenimus, censeri superstitiones, Primo,

annulo suspenso intra vas velle dignoscere quota hora sit. Card. de Lugo, testatur in Hispania annulum pulsare horas astronomicas, in Italia vero italicas; quod cum naturali cause tribui non possit, procul dubio est superstitionis. Secundo, dies aliquos habere faustos, verbi gratia diem Iovis, alias infaustos, verbi gratia Martis, & Veneris; vel habere infaustum numerum tredecim personarum simul præstantium propter facinus Iudæ. Tertio, statuani alicujus Sancti demergere in flumen, ut pluat. Quarto, credere, quod non prosint orationes, nisi in tanto numero sine interpellatione dictæ, cum tot candelis, &c. Quinto, feminarum carminaticum preces, & benedictiones esse sufficietes ad depellendos statim morbos; Vocantur istæ ab Hispanis las Empsaladoras, quia saepe utuntur verbis Psalmorum; Verum quia nec presumuntur gratia iis gratis data, nec virtus supernaturalis presumi debet, nisi probetur; & quia solent etiam superstitionis, & vanæ admiscere, ideo communiter Doctores cum Sanch., & Fagund. docent permittendas non esse. Sexto, Mulierculas nocte Sancti Joannis Baptiste aliquid precari, auditum, que applicare, ut nomen futuri mariti audiant. Hæc, & similia, quæ passim a Doctoribus congeruntur, reputantur communiter superstitionis, atque adeo a mortali excusari non possunt.

V. Potest tamen aliquando esse veniale, si scilicet adsit ignorantia invincibilis, & bona fides; vel si id fiat ex intentione dandi operam hujusmodi vanitatibus non tanquam efficacibus, sed ex quadam levitate, vel curiositate semel, aut iterum in re levi, ut dictum est de Divinatione: Quamvis enim communiter Doctores cum Sanch. putent, in his rebus non dari parvitatem materiae; tamen Valent. disp. 6. quæst. 13. punct. 3. putat da-

K 2 ri pos-

ri posse parvitatem materie , quoties non intervenit pactum expressum cum dæmone ; ut si quis semel movere faciat annulum intra vas suspensum , quia ex hoc solo parvo commercio cum dæmone non imminent notabile damnum salutis ; Hoc tamen ipse non admiserim . Sanch. lib. 2. moral. cap. 40. num. 25., quamvis neget cum communi dari parvitatem materie in his rebus , concedit tamen aliquid ex his esse veniale , si semel fiat ad experientum effectum curiositatis causa ; etenim cum actus non sicut serio , sed joco , & curiositate , vel ad experientum , non tam erit supersticio , quam animi levitas , & ideo tantum veniale . Monet tamen Trull. id non esse facile permittendum , ne curiositatis quidem causa , propter periculum deceptionis a dæmone .

VI. Quæritur tertio ; Quænam observationes reputentur communiter a Doctoribus licetæ , & non vanæ , aut superstitionæ ?

Respondeo , non reputari superstitionem ; Primo artem inveniendi aquas in terra latentes , adhibita virga salicea , vel amygdalina , quia , ut notat Bonac. , & Trull. , effectus iste inclinationis virginæ , ubi absconduntur aquæ defluentes , reputatur naturalis . Secundo , observare lunam ad fructus colligendos , ad tabulas secandas , &c. Tertio , verba Sacra , aut reliquias usurpare sine ullis vanitatibus , sperando tantum a Deo effectum sine ulla infallibilitate . Quarto , eodem modo triginta missas celebrare in memoriam Sancti Gregorii , qui triginta diebus fecit orare pro defunctis . Quinto , ter , vel novies jumenta circumducere circa templum alicujus Sancti , vel die festo alicujus Sancti venam equis secare , dummodo speretur effectus tantum a Sanctis , nec reputentur istæ circumstantiae efficaces , & infallibles : Quamvis Sanch. notet , ista extir-

panda esse , eo quod superstitionem sapiant , ac sint præter modum ab Ecclesia usitatum honorandi Sanctos . Sexto , Sanch. excusat eos , qui sanant morsus canis rabidi solo halitu , aut sputo , aut tactu , eo quod putet illi forte inesse gratiam gratis datam , vel inesse naturalem virtutem a tali complexione , cum id passim ubique permittatur . Sic multæ familie habent vim ad curandos morsus venenosos sputo ; Et septimus masculus , quando nulla foemina intercessit , curare solet strumas saliva ; sicut etiam Rex Galliæ . Et Tambur. hic num. 31. refert , aliquos natos nocte Conversionis Sancti Pauli sputo , vel tactu sanare mortus venenosos . Septimo , certum est licere uti virtute rei naturalis , etiam si per superstitionem sit cognita ; eo modo quo licite utitur meretrix pecunia illicite comparata . Ratio est , quia licet illa notitia male fuerit acquista , peccatum tamen transit , & efficit ille naturalis nihil mali ab ea culpa contraxit : Eodem modo licitum est uti thesauro per superstitionem invento , si pecuniae non sint apparentes , nec constet dæmonem illas ab aliis sustulisse .

VII. Circa unguentum armarium puto cum Trull. , Bonac. , & aliis , qui casum examinant , esse superstitionem . Ratio est , quia non videtur posse dici talis effectus naturalis caufatus per sympathiam , quando vulneratus longe distat a gladio , vel panno sanguine imbuто , cui unguentum , vel pulvis applicatur . Causæ naturales in majori distantia semper remissius operantur ; hoc autem non accidit in hoc unguento ; ergo non operatur naturaliter .

VIII. Quæritur quarto ; Quænam regula generalis assignari possit ad di-gnoscendum , num aliqua observatio sit superstitionis ?

Respondeo ex Tambur. , presumi superstitionem , & in ea pactum cum dæmo-

ARTICULUS IV.

De Magia.

dæmone intercedere , quoties ad aliquem actum interponuntur verba non significativa , vel figuræ inutiles , vel falsitas , verbi gratia , quod Christus habuerit febrim ; Vel conditiones vanæ tanquam necessariae , verbi gratia tot crues in tali hora , situ , &c. Vel promissio effectus infallibilis ultra vires naturales mediorum .

IX. Difficultas est , Utrum quando dubitatur , an effectus sit a dæmone , vel a Deo , vel a causa naturali , tenetur abstinere ab iis mediis tanquam superstitionis ?

Respondeo , Lessium lib. 2. cap. 44. num. 46. putare , quod abstinendum sit , ne exponamur manifesto periculo superstitionis ; nisi forte id fiat cum expressa protestatione voluntatis contraria : Quod Tansbur. admittit , si aliquando propter notabilem necessitatem iis mediis utaris , protestando te nolle effectum , si a dæmone proveniat . Sanch. vero putat , quod si omnibus expensis dubium sit , an effectus procedat a causa naturali , an vero a dæmone , præsumendum sit , quod procedat a causa naturali , & sic sine ulla superstitione possis tali medio uti ; quia in tali dubio stat in possessione libertas , & innumeræ sunt agentium naturalium vires occultæ . Quod si certum sit talem effectum non esse naturale , (ut esset subita sanatio , vel sanatio per verba Sacra) sed dubium sit a Deo , an a dæmone talis effectus habeatur , præsumendum , quod a dæmone ; quia Deus effectus mirabiliter , vel per Sacramenta , vel propter sanctitatem personæ operantis ; unde effectus præternaturalis aliter procedens nonnisi a dæmone est .

- I. *Magia est ars operandi mira ope dæmonis. Differit Magia superstitione a Naturali; quia hæc operatur mira per causas naturales.*
- II. *In quo differat Magia a Vana observatione, a Maleficio, & ab Incantatione?*
- III. *Magia naturalis non est superstitione, sed Autores, qui de illa pertrahant, non raro plura superstitione permiscent.*
- IV. *Naturalis a superstitione Magia discerni facile potest ex conditione Cassarum, Operationis, & Effectus. Quoniam patto philtra amatoria ad amorem, ac libidinem allificant?*
- V. *Quanam arte demones familiares in annulis, aut phialis includantur?*
- VI. *Num vis fascinandi sit naturalis, an superstitione?*

I. **M**agia ad Vanam observationem a nonnullis reducitur , sicut Maleficium ad Magiam . Etenim Vana observatio est superstitione , ut diximus , qua mediis vanis procurantur ope dæmonis commoditates , divitiae , sanitas , benevolentia : Magia vero est ars operandi mira ope dæmonis per signa vana , & inutilia ; sicut Maleficium est ars nocendi aliis per signa vana ope dæmonis . Quoniam vero Magia est ars operandi mira , idcirco duplex distingui solet Magia , altera Naturalis , altera Superstitione ; illa operatur mira , & insolita per causas naturales ; hæc vero operatur mira per causas morales , hoc est per signa vanæ , quibus positis dæmon allicitur ad operandum quæcumque Magus exposcit . Allicitur autem dæmon , tum quia his signis honoratur ; tum etiam quia talia signa ex ejus instituto dependent .

II. Quæ-